

docere Psal. 94. v. 12. Esse nobis debere instar scopi, quem præfixum habeamus, ad quem omnibus nostris actionibus collimemus Es. II. v. 18. Fœcundare hominum mentes doctrina, quemadmodum pluvia terram fœcundat. Esai. 55. v. 11. Aliter etiam Lex dicitur זְרֻבָּבֶל testimonium quia Lex devolutate Dei testatur, Peccati que nos convincit. Item זְרַעַת via, quod monstrat viam bonorum operum; Item præceptū, mandatū: vide Deut. 4. v. 26. c. 4. v. 5. Rabbi Cimchi deduci à radice quæ significat disposuit, ut sit dispositio, quo modo lex est dispositio & forma illorū quæ fieri & omitti debet. Vid. Lexic. Merceri p. 1063.

6. Inter realia occurrit Definitio, & Divisio.

7. Definitio Legis in genere est, qvod sit constitutio ab illo
lata, penes quem est ferendū potestas, obligans ad obedientiam
eos, qvibus tradita est, atqve obedientibus præmia, violentibus verò
pœnas decernens, ad publicum pariter ac privatum bonum.

8. Genus est constitutio.

9. Differentia desumpta est ab efficiente, objectis, effectu & fine, quæ omnia in seqventibus magis patebunt Cœterum varias Legis definitiones ex Philosophis, JGtis, Patribus, Scholasticis, Theologis relatas & examinatas, vide apud Gregor. de Valent. Tom. 2. Disput. 7. quæst. 1. Meisner. lib. 1. de legib. p. 52. seqq.

10. Divisiones pro ratione causarum variant, item effectorum, subjectorum, accidentium: Nam secundum causam efficientem, Lex est vel divina vel humana. Divina subdividitur ratione materiæ & formæ in legem naturæ, Moralem, Ceremonialem, Judicialem, quærum tractationem in sequentibus proponemus. Ratione efficientis, finis & objectorum, quædam sunt publicæ vel privatæ. Ratione effectuum & materiæ, quædam præscribunt opera, vel Deo, vel proximo præstanda, spiritualia, vel civilia. Ratione efficientis & formæ, Icti legem solent dividere in jus naturale gentium, & civile. Vide Justiniani Institut. de Jure naturali, gentium & civili, & D. Meisneri librum de Legibus, ubi hæc omnia prolixius deducuntur.

DICTA CLASSICA.

Psal. 94. v. 12.